



UNIVERSITÄTS-
BIBLIOTHEK
PADERBORN

**Thesaurus Eloqventiae Sacrae Et Profanae, Saluti &
incolumitati Rerumpublicarum utilissimae**

Alberti, Alberto

Coloniae Agrippinae, 1669

Adversarii ingenii principatu dejecti, oblectandi palmam sibi assentatoriè
tribuunt.

[urn:nbn:de:hbz:466:1-69225](https://nbn-resolving.org/urn:nbn:de:hbz:466:1-69225)

candidè fateamur? Perfuadendi efficacitate jam supra palàm dedimus nos carere: modò ingenii quoque laudem, & decus amisimus.

*Adversarii ingenii principatu dejecti,
oblectandi palmam sibi assentato-
riè tribuunt.*

183. **S**ed alia tamè est adhuc, extemplo sub-
dunt, prærogativa singularis nostra
tota: atque ita nostra, ut de nostrâ manu nul-
lis eloquentiæ præsidis, aut præstigiis eripi,
nullis argumentorû machinis extorqueri pos-
sit. Et quæ porrò est ista prærogativa? Jucun-
ditatis gratia, quam nostra afflat Oratio,
inquiunt, tota nostris ex fensiculis, atque ar-
gutiis nascitur, animis que Auditorum quàm
blandissimè lenocinatur. Nostrisales, nostræ **A**
veneres, nostri lepores. Hi quoscunque ad-
ducti, rigidi que supercilii Catones facile
effusâ solvunt hilaritate. Possemus id sex-
centis illico in medium allatis venustissimis
exemplis planissimè confirmare. Sed duæ
illæ antea delineatæ nostrum ad genium, de-
licate que elaboratæ amplificationes, altera
eam D. Caroli pilam, altera Magni Xaverii
marinum cancrum, suis expingentes colori-
bus, id ipsum sat superque testantur. Quid
enim volucris illâ pilâ, etiam quum feriret,
lenius? quid ingenioso illo plumbo suavius?
quid animatâ illâ purpurâ illecebrosius? quid
illo glandis gemitu magis gemmeum? Illo
verò canero spirantem in navem commutato
quid

quid amœnius? quid ejus legatione festivius
 quid falso illo sine sale falsius? quid fluctuan-
 te amari moris conscientia dulcius? quid ad-
 missi facinoris purpurisso lætius? At contra
 B feverior illa styli Tullianam ad normam exi-
 C gendi disciplina, squallori, pædoriq; propior
 est, certè oblectationis apparet penitus ini-
 mica. Strigosa nimis, nimis tristis, si hisce
 acuminibus non exornetur, languida, vul-
 gata, ac nullius ferè pretii videtur Oratio.
 At, si alicujus nominis haberi velis, serviendū
 plausui, serviendum ostentationi, serviendum
 aurium voluptati Hoc nimirum isti crebris
 usurpant sermonibus, hoc semper habent in
 ore: alia esse nunc tempora, quam majorum
 nostrorum: à nostri seculi hominibus hujus-
 modi sermonis condimenta perditè adamari,
 posci, expectari, his ad audiendum invitari,
 his aulas, & templa stipari, his denique tan-
 quam Lydio lapide Oratoris cujuslibet, Con-
 cionatorisq; præstantiam examinari, ac
 prædicari. O sapientum cæta consilia! Juo-
 ò meras ludionum fabulas!

*Reprehenduntur Adversarii, quod oblecta-
 tionem Auditorum tam intempe-
 ranter affectent.*

184. **Q**uid enim hic primum deplem,
 Patres amplissimi? imò quid
 maximè omnium rideam, aut indignè?
 Itane verò, quum persuadendi curam om-
 nem abjecerint Adversarii; quum ingenii
 patri-